

昆明志 432

地 350.23/
133
11-2

臨安府志 卷二十三

臨安府志卷之二

星野 附氣候

象緯區分九州定位觚參井鬼惟須不無異辭豈天道遠難知耶何推測之殊也臨安僻處滇隅躔度次舍皆同省會即星變以察事應尤為可徵往者熒惑入井鬼晉逆倡亂阿迷而臨安罹患則分野所占其屬井鬼何疑至於地勢遼濶沿江疊嶂極為炎暑若建設城治之區四時氣候未始不概同也茲記之

臨安府志 卷之二 星野

一

以告後之司敬授者作星野志

井鬼躔度攷



按井東八星與鬼四星南方朱鳥鶉首之次也在天漢邊古曆法井宿赤道三十三度三十一分黃道三十一度三分鬼宿赤道二度二十分黃道二度二十一分今曆井宿三十一度鬼宿五度皆在未宮

井宿昏旦攷

六月 旦在卯

七月 旦在辰





星野攷說

上古星野之占遠不可攷而以星土辨九州封域則自周禮保章氏始及後星經散失惟漢書地理志載分野獨詳其說以十二次配十二野謂秦地東井與鬼之分所界盡於西南牂牁越巂益州其說與太史公互異在班氏必有所據而費直蔡邕陳卓諸書又復詳悉為言似應無可疑矣乃志漢者究同捫籥卒無定論豈徒襲星經之說而未考分野之

臨安府志 卷之二 星野

四

實乎通志引一行山河兩戒之說以為定分野者必準於此其言最為的當又辨太白主益州非專為滇言與北斗第二星亦非專主益州分野考核更極明快至於以北極遠近地勢高下自天漢而斷尤為不可移易蓋南河北河兩星列於井之南北以兩戒言之秦屬北戒為衡星則黃道所經之井即為秦之分野蜀在兩戒之間為七曜之中道則近參之井即為蜀之分野滇屬南戒為耀星則近

鬼之井即為滇之分野是滇在井鬼之間明矣况天狼狐矢在井鬼之南交趾緬艮諸夷之地實應之占南夷者必於狼而臨安土壤實與之接其志臨安必於井鬼何疑哉

氣候

臨安府

滇較各省為高臨安較省稍下日之出入亦在卯酉比京師每遲二刻氣候微暖各屬寒熱頗異土司沿江極熱大抵山居多涼近

臨安府志

卷之二

氣候

五

水多燠不甚相遠也俗有四時皆春氣一雨便成冬之謠又明修撰楊慎詩云天氣渾如三月裏花枝不斷四時春則氣候之溫和可想矣

建水州

四序恆溫夏可不葛冬可不裘館驛較熱江外熱甚夏秋有瘴

石屏州

四時和平冬不祁寒夏無溽暑雖雨雪暫寒

清明漸燠河底近元江則大熱矣

阿迷州

山高川小地氣炎鬱至水城打魚寨等處田疇茂美與州城少異

寧州

春無烈風冬鮮積雪水溫土厚婆兮沿江頗熱

通海縣

地高氣寒瀕湖多風宜果木收穫較晚

臨安府志

卷之二 氣候

六

河西縣

地近通湖雨後輒寒二月猶有霜晚稻最多

晉峨縣

晴後炎燠雨至寒生山居尤苦

蒙自縣

平原廣衍氣序溫和箇舊諸廠多霧雨寒涼獨異

新平縣

山高土曠氣多炎燠谷深林密草木不黃新

化逼近江邊常有瘴癘

納樓司

山居常寒河底極熱隆冬亦如五月多煙瘴

官廳近郡城則無異也

虧容司

阿邦寨同

四時恒熱夏秋尤多煙瘴

納更司

三猛同

近山四時多雨沿江夏秋則熱氣候不均

溪處鄉

慢車寨

臨安府志 卷之二 氣候

七

春溫夏熱秋多雲霧迷山寒涼過甚

瓦渣鄉

寒暑不均烈風濛雨潮溼殊甚異

思陀鄉

落忍左能二鄉同

四時恒涼地氣陰濕禾稼晚收多發冷瘴

臨安府志卷之三

建置 附大事考

臨古昫町國自漢置郡縣或隸牂牁或屬興古土宇版章已非化外域也晉以後叛服靡常元始以兵服之經畫猶未備明洪武時宣寧侯略定臨安藩以州縣樹以衛屯大小相維有臂指之義我

朝廷設鎮駐兵裁衛所附土司壤小則歸併地大則分析其所建置監前代而示來茲規模宏

臨安府志 卷之三 建置

一

遠矣第其間禮樂刑政諸大事隨時損益有前後不相襲者以資考鏡不妨備為載之作
建置志

臨安府

禹貢梁州南裔三代時為昫町國漢武帝開南夷置昫町縣屬牂牁郡賁古縣屬益州郡後漢仍之三國漢屬興古郡晉屬興古梁水二郡唐為牂牁地屬黔州都督府武德四年更名牂州尋復故七年置西寧州西宗州貞

觀八年改西寧州為黎州十一年改西宗州為宗州皆隸戎州都督府天寶末沒於蠻南詔置通海郡都督府後又置節度使後晉時設思平改通海郡為秀山郡尋復故宋時阿楚部蠻居之元憲宗六年內附置阿楚部萬戶府又置阿甯萬戶府至元八年改阿楚部置南路總管府十三年改臨安路屬臨安元廣等處宣慰司領州三縣四千戶一明洪武十五年改路為府改阿甯萬戶府為阿迷州

臨安府志 卷之三 建置

二

弘治十五年改馬龍他郎甸長官司置直隸新化州萬曆十九年討平平甸鄉夷賊置新平縣二十年改新化州屬府領州五縣五長官司九

本朝因之康熙二年併納更土巡檢司錢糧入府徵收五年裁新化州歸新平縣以教化王弄安南地設開化府溪處司叛革世襲領州四縣五土司三土舍七

臨安府建置表

唐虞	夏商	周	戰國	秦	漢	蜀漢
總部	南交昧谷之交	梁州域	合梁於雍	屬楚	通道置吏	益州
郡		昀町國		益州郡	牂牁郡	興古郡
州縣				賁古縣	昀町縣	三
晉	宋	齊	梁	陳	隋	唐
寧州	寧州鎮	南寧州	沒於蠻	南寧州	黔州都督府	戎州都督府
興古郡	梁水郡				通海都督府	通海節度
昀町縣	梁水縣	牂州	宗州	休臘部	王弄部	舊處甸部

臨安府志 卷之三 建置

五代

宋

明

鄭買嗣據

趙善政據

楊子貞據

段思平據

段氏據

通海節度

雲南行中書省

雲南布政司

秀山郡 通海郡

臨安路

臨元廣宣慰司

臨安府

件漢落忍部
鉄客甸部
官桂思陀部
屈中部 寧部

建水州 石屏州
寧州 通海縣
河西縣
蒙自縣
建水州 石屏州
河西縣
新化州 通海縣
河西縣 峨嵋縣

臨安府志 卷之三 建置

四

本朝

雲南布政司

臨安府

蒙自縣 新平縣
納樓茶司長官司
教化長官司
王弄長官司
安南長官司
廣容甸長官司
思陀甸長官司
漢處甸長官司
左能寨長官司
落忍甸長官司
細更山巡檢司
建水州 石屏州
阿迷州 寧州
通海縣 河西縣
峨嵋縣 蒙自縣
新平縣
納樓茶甸長官司

建水州

漢屬益州郡貢古縣又屬牂牁郡

唐烏麼蠻地屬黔州都督府天寶末南詔竊據

隸通海郡古稱步頭亦云巴甸元和間蒙氏

臨安府志

卷之三 建置

五

始城之每夏秋溪水漲溢望之如海夷謂惠

劇漢語曰建水歷鄭趙楊段皆仍舊名

宋些蠻酋劇所據統於段氏

元置建水千戶至元中改建水州屬臨安路

明建水州屬府附郭轄曲江巡檢司

本朝因之順治十五年沐氏勲莊猛丁喇猛梭

等寨投誠歸庄錢糧附州徵收康熙六年裁

臨安衛分境屯賊併州雍正八年老撾猛弄

寨長白氏投誠歸順以所屬錢糧附州徵收

虧客司長官司
納更山巡檢司
溪處鄉土舍
瓦渣鄉土舍
思陀鄉土舍
落恐鄉土舍
左龍鄉土舍
阿邦寨土舍
漫車寨土舍

石屏州

漢 舊忻蠻地

唐 烏麼蠻地

宋 阿楚蠻據之蠻掘地得石坪因號石坪邑

元 改石坪州屬臨安路

明 石屏州屬府

本朝因之康熙三十年裁臨安衛石寶二屯屯賦

併州

阿迷州

臨安府志 卷之三 建置

六

漢 蠻名阿窰訛為阿迷

唐 稱屈中部

宋

元 置阿窰萬戶至元間隸南路總管府大德間

隸臨元廣宣慰司

明 改阿迷州屬府

本朝因之雍正九年撥十四寨歸廣西府邱北州

同管轄

寧州

漢 屬興古郡

晉 屬梁水郡梁水縣

唐 初置西寧州正觀中改黎州天寶末沒於步

雄部蠻號浪曠夷語謂早龍也後屬蠻蠻酋

阿幾以浪曠割與寧蠻立改寧部

元 置寧部萬戶府後改寧海府至元中改寧州

隸臨安路領通海嵎峨西沙三縣後省西沙

入州

明 寧州並改通嵎二縣屬府

臨安府志 卷之三 建置

七

本朝因之康熙二十六年裁左前廣後四衛分境

屯賦併州

通海縣

漢 屬牂牁郡朐町縣地

唐 蒙氏立通海郡

宋 段氏改秀山郡復立通海郡

元 初置通海千戶隸善闡萬戶府至元中改通

海縣隸寧海府府廢改設臨安路為附郭後

隸寧州

明 徙府治於建水以通海縣屬府
本朝因之康熙五年裁通海禦屯賦併縣

河西縣

唐 初為西宗州天寶後沒於蠻為步雄部後阿
贊蠻奪居之名其地曰休臘

元 置阿贊萬戶休臘隸之至元間改為河西州
屬臨安路後改河西縣

明 河西縣屬府

本朝因之

臨安府志 卷之三 建置

嶧峨縣

晉 屬南寧州

唐 為嶧猓蠻所居名嶧峨部後阿贊蠻逐嶧猓
据其地

元 立五千戶所至元中改嶧峨州領邛州牙甸
二縣後併二縣為縣隸寧州尋屬臨安路

明 嶧峨縣屬府

本朝因之

蒙自縣

漢 屬牂牁郡

唐 蒙氏隸通海郡都督府有山名目則訛為蒙
自

宋 為阿楚蠻所有

元 初置蒙自千戶所隸阿楚萬戶後改為蒙自
縣

明 蒙自縣屬府

本朝因之康熙二十六年裁新安所屯賦併縣

新平縣

臨安府志 卷之三 建置

九

漢 嶲獬蠻所居

唐 阿楚蠻所居

元 立千戶所至元中設平甸縣屬嶲峨州

明 改為平甸鄉隸嶲峨縣後為丁苴白改夷賊

所據萬曆十九年討平之改新平縣割元江

石屏河西新化地隸之屬府

本朝因之康熙五年裁新化州入縣

納樓茶甸長官司

唐 蒙氏為茶甸